

四庫全書

史部

欽定四庫全書

行水金鑑卷八十五

江南按察使傅澤洪撰

濟水

曲阜縣舊叢云曲阜故神明之區也其山防其水沂泗其設都為大庭神農有熊少昊氏其封國為魯代有升降而間氣不薄迨孔子生而曲阜益為宇內重爾雅曰大陵曰阜應劭曰曲阜在魯城東委曲長七八里故曰曲阜東泗水西溢陽南鄆北泰安嶧縣在其東南寧陽在其西北西南為濟寧東北為新泰縣之東南六十里尼山峙焉孔子故里在縣城中是名闕里今為宣聖廟杏壇在廟殿前孔子舊居也屬兗州府達

泉距縣東南三里在馬跑泉村東出土中水中石如伏龜怒鼉活潑可玩即左傳所稱達泉是也西南流三十步會兩觀泉 兩觀泉出土中東南流十五步會近達泉 近達泉出土中西流二十步會車輛泉 車輛泉出土中東南流五步會雙泉 雙泉出土中西南流二十步入茶泉 茶泉出土中東南流八步會柳青泉 柳青泉出土中西流十步會曲溝泉 曲溝泉距縣東南二里在馬跑泉村西北出土中

東會茶泉數步與柳青雙泉車轍近遠兩觀達泉相  
去亦各止十步或二十步共匯南流一里出口入沂

以下全河備考

通沂泉距縣東南四里出馬跑泉村東土中西北流  
一里徑入沂 淄泗河泉距縣東南三里出馬跑泉  
村西土中南流十步會新泉 新泉出土中地名竹  
園西南流一百步會曲水詠歸泉 曲水詠歸泉出  
土中南流二十步會濯纓泉 濯纓泉出土中北流

三步會浴沂潺聲泉 洋沂潺聲泉出土中西南流  
半里同會諸泉入沂

城南新開泉在南關南一里出土中北流一里入海  
河會文獻泉 文獻泉在城東二步出土中即魯頌  
思樂泮水二步入海河又西南流三里入沂 温泉  
距縣東南十里雖寒沕水常暖即曾點浴處也在張  
曲村東北出土中廢泉五西流一里會近溫泉 近  
溫泉距縣東九里在張曲村東北出土中西北流一

里會黑虎泉 黑虎泉距縣東南八里出張曲村土  
中西北流半里會連珠泉 連珠泉距縣東南七里  
出張曲村北土中西北流六里同諸泉入沂

青泥泉距縣東南十五里出河頭村西北土中地名  
萬柳莊西南流五里入沂 埤下泉距縣東北十五  
里出甸石橋村東土中西南流二里入泗 橫溝泉  
距縣東北十六里出陶樂村北土中西南流三里入  
泗 新安泉距縣北二十五里出泉頭莊東北土中

西南流十五里入泗 暝安泉距縣西北三十里出

泉頭莊土中西南流半里會新安泉入泗 城北新

開泉距縣西北三十里去新安泉四里出柳莊村東  
土中南流十三里入泗 變巧泉距縣西北三十五

里出姚村南沙中西南流八里入泗 蠕蚣泉距縣

南二十里出大薛村西南西南流一里會鄒縣鱗眼

泉入白馬河

滋陽縣

舊叢云滋陽魯瑕丘地曠野平疇無山谿之險獨嵫陽一山童然培塿耳而縣故藉以名

宋大觀四年置磁陽縣明成化間因其地多火災欲以水壓之故去山添水改名滋陽東曲阜西濟寧南鄒北寧陽顏子陋巷在縣前路南小巷湫隘前有勒石即顏子簞食瓢飲處屬兗州府

東北新泉距

縣東北五里出井家林莊地名東隅社渠長一里西

流會闕黨泉 闕黨泉距縣東北四里古闕黨地西

流會古溝泉 元對泉距縣東北六里會入照星泉

照星泉距縣東北五里半會入惠泉 惠泉距縣

東北五里半會入既濟泉 既濟泉距縣北五里長

八十五步會入古溝泉 古溝泉距縣北五里長一

百五十步會入負瑕泉 負瑕泉距縣北五里當以  
古瑕丘得名長三十步會入蔣詡泉廢泉一西流會  
闕黨泉 三義泉距縣東北四里在三義廟前長七  
十步二里會入負瑕泉 上蔣詡泉距縣北五里在  
紅花廠西地名紙房長七十步西流會下蔣詡泉  
下蔣詡泉距縣北五里在紙房廠東長九十步南流  
轉西會西北新泉 西北新泉距縣西北五里在郡  
厲壇東長六步一里會入紙房頭泉 紙房頭泉距

縣西四里在舊關東長九步三尺右流轉南會驛後

新泉驛後新泉距縣西二里渠長一里會諸泉至

平政橋入濟又十五里至婁閘又二十里至杏林閘

二十里舖為濟寧州交界舊入天井閘今會入馬場

### 湖濟運

濟寧州

舊叢云濟寧古任國也唐為濟州元為濟寧路明改為州南控江淮北拱畿輔水陸衝途

河督建節宿兵於此泗沂汶洸繚繞境內諸泉由之入運無慮百有餘泉而州之蘆溝泉托基泉馬陵泉洸筆泉皆徑入於漕此可考而得者屬兗州府

蘆溝泉距州東南七十里出

兩城店土中泉頭五長十八里南流入南陽澗由磨  
鑊溝出水濟運 馬陵泉發源馬陵山西距州東南  
六十里東泉頭一西泉頭二長六里西流入魯溝澗  
由龍家橋出水濟運 托基泉泉頭二距州五十里  
出土中長二里西流入棗林澗由龍家橋出水 洗  
筆泉在州城東關外去會通河不數武出土中一方  
池一圓池相傳為唐時李太白浣筆處南流由通濟  
橋徑入運

鄒縣

舊叢云鄒本春秋小邾國戰國改為鄒後遂以名縣東南接滕西界濟寧滋陽北鄰曲阜故邾城在

嶧山之陽春秋魯文公十三年邾文公卜遷於繹即此

孟子曝書臺

在南門子思書院西有臺高丈許者是臺

丙為斷撲堂相傳即孟子故居有孟母祠

孟廟在城南一里墓在四基山之西麓距縣東北三十里屬兗州府

陳家溝泉距縣北二十里出原寨社原寨村平地土

中西北流三里入白馬泉又五里會馬山孟母二泉

口十里會嵒山屯頭二泉一里至白馬橋三里會鱣

眼泉口五里至雙橋村五里會新泉程莊泉口十里

至內官橋五里會黃港泉口三十里至徐鎮橋十里

至白莊泉口十五里至黃路橋三里至紙房頭村五  
里會淵源泉口七里會柳青勝水二泉口十二里至  
圈裏村方同入泗河轉入魯橋 白馬泉距縣北二  
十里出原寨社原寨村平地土中西北流五里會馬  
山孟母二泉口 馬山泉距縣北三十里出莊朱社  
傅莊村平地土中南流八里會孟母泉四里會陳家  
溝白馬二泉十里會嵒山屯頭二泉口一里至白馬  
橋 孟母泉距縣北二十五里出公孫社宣村平地

土中西南流四里會陳家溝白馬二泉十里會岡山  
屯頭二泉口 屯頭泉距縣北二十里出中疃杜白  
馬廠平地土中西流二里會崗山泉 崗山泉距縣  
北二十里出中疃杜白馬廠村平地土中西南流三  
里入白馬河一里至白馬橋 鱔眼泉距縣北三十  
里出中疃杜北貢村平地土中西流五里至楊柳橋  
八里至中疃村五里入白馬會河 黃港泉距縣西  
十八里出故夏杜羊廠村平地土中西流五里至過

卞橋三里入白馬河 已上諸泉俱從白馬河出魯橋派

新泉距縣西北三十里出中疃社程家莊平地土中南流二里會程莊泉 程莊泉距縣西北三十里出中疃社程家莊平地土中東南流八里至稻屯橋七里入白馬會河十五里至內官橋轉出魯橋 白莊泉距縣南三十里出莊朱社白莊村平地土中地名川牛坡西南流五里至雙村七里至面房橋八里入

白馬河十五里至黃路橋三里至紙房頭五里會淵  
源泉口 淵源泉距縣西南七十里出安侯社鐵腳  
山下平地土中水深十餘丈浩瀚無底西北流四里  
入白馬河七里至柳青勝水二泉口 柳青泉距縣  
西南七十五里出薄梁社鄭老軍橋平地土中西流  
八里入白馬河十二里入圈裏村入泗河 勝水泉  
距縣西南八十里在薄梁社朝陽村源出自泰山  
半腰石縫中西北流至黃曲村四里至鎮頭村六里

入柳青泉八里入白馬會河十二里至圈裏村入泗  
河以上諸泉俱經白馬河入泗轉入魯橋 三角灣  
泉距縣西南八十里出薄梁社倉山坡平地土中陰  
泉七西流八里至兩川橋入泗轉入魯橋

魚臺縣舊叢云魚為古棠邑春秋隱公五年公矢魚於棠即此今縣北十二里有高埠名觀魚臺唐因以名縣東濱西金鄉南至江南之豐邑北濟寧入運之泉二十處其泉流所出隨地異名實皆鳧山之麓也合為三溝逕南陽湖入運鳧山即魯頌所云保有鳧繹者是在縣東北七十里雙峯聳翠狀若鳧翔故名山南有呂公洞洞有丹井其水冬溫夏涼大旱不竭下有西龍泉又南為廟前泉又下為東龍泉鳧山之右為黃山黃

良等九泉出焉黃山之後為雲寨山聖母池等六 大泉並六小泉出焉黃山灘洄錯落又有東西龍泉映帶左

右湖山佳勝為一邑之最屬兗州府

黃良泉距縣東北四十里出黃山下

土中東西長八十五丈至三岔河共會一股廟前

泉距縣東北四十里在黃良南出土中東西長九十

丈至三岔河共會一股河頭泉距縣東北四十里

在黃良東出土中東西長一百七十二丈至三岔河

共會一股陳家泉中溢泉距縣東北四十里黃山

土中東西長一百五十丈至三岔河共會一股高

家東泉高家西泉距縣東北四十里黃山土泉東西長一百五十步至三岔河共會一股 滕家泉勝水泉距縣東北四十里黃山土泉東西長一百二十丈至三岔河共會一股 已上九泉皆由三岔河會流由新開河入運南流八里至南陽閘蓄濟

聖母池泉距縣東北六十里寨裏集係土泉石鑲池岸南北長二百七十丈至張家橋共會一股 西龍泉距縣東北六十里寨裏集土中湧自石竇為池南

北長二百三十丈至張家橋長十五里 有本泉距  
縣東北六十里寨裏集土中南北長一百七十五丈  
至張家橋長十五里 聖裔泉距縣東北六十里寨  
裏集土泉南北長二百二十丈至張家橋共會一股  
源流長十五里 小龍泉距縣東北六十里寨裏集  
土泉南北長一百八十五丈至張家橋共會一股源  
流長十五里 陸小泉距縣東北六十里寨裏集土  
泉南北長二百四十五丈至張家橋共會一股源長

十五里 已上六泉俱會趙家口入運南流五里至  
利建閘蓄濟

東龍泉距縣東北九十里出池頭集沙土中石鑲泉  
岸四時不竭不溢遇旱禱雨即應西南會平山泉  
平山泉距縣東北九十里池頭集土泉南北長一千  
八百二十丈至集泉橋共會一股 何家源泉距縣  
東北九十里池頭集土泉南北長二千一百四十丈  
三尺至集泉橋共會一股上下源長二十五里 廉

家潭泉距縣東北九十里池頭集土泉東西長一千四百四十丈至集泉橋共會一股源流長二十五里倣古泉距縣九十里池頭集土泉南北長一千八百一十二丈五尺至集泉橋共會一股源流長二十五里已上五泉俱由獨山湖張家閘入運南流二里至邢家閘蓄濟

滕縣舊叢云  
勝為小邦地今幅員二百餘里東隣嶧  
費二縣西接魚臺徐沛在其南鄒泗在其北屬  
兗州府北石橋泉距縣北二十五里出柳泉莊土中二

十里入小白橋沙河共四十里入耿武莊湖 涼水

泉距縣西北二十五里出孫家莊土中十二里入驛

莊泉共三十里入耿武莊湖 驛莊泉距縣西北二

十五里出嶧莊村土中十里會涼水泉二十五里入

耿武莊湖 大烏泉一作大泉距縣西北三十五里

出大烏集土中五里會驛莊泉二十五里入耿武莊

湖 三里橋泉距縣北三里出蕭家莊土中十二里

會七里泉上源至下源出水口五十五里會入耿武

莊湖 七里泉距縣北十里出張家莊土中十五里入三里泉共五十里入耿武莊湖出滿家口濟運

已上諸泉北路流入耿武莊湖

趵突泉距縣東十五里出梁上村土中一里會入五花泉共七十里入姚家口濟運 荆溝泉距縣東十五里出絞溝村土中一里會入五花泉五里入東荆溝會河共七十里入姚家口 五花泉距縣東十二里出小宮村土中半里會入大沸泉共七十里入姚

家口濟運 大沸泉距縣東十二里出小宮村土中  
五十里入絞溝泉會河七十里入姚家口濟運 小  
沸泉距縣東十二里出小宮村土中五十里入絞溝  
泉會河共七十里入姚家口濟運 絞溝泉距縣西  
南二十五里出絞溝村土中一里入西荆溝泉會河  
共二十五里入姚家口濟運 西荆溝泉距縣西南  
二十五里出絞溝村土中五里入東荆溝會河共二  
十五里入姚家口濟運 趙溝泉距縣西南八里出

赤續社趙溝莊久枯無水 劉溝泉距縣西八里出  
趙溝莊流三里會趙溝等泉上源至下源久枯無水  
已上從東至西近縣諸泉皆會趙溝入姚家口

南石橋泉距縣東南四十里出鄭莊土中五里入雙  
泉會河三十里至鮚魚弦濟運 雙泉距縣南四十  
里出自白家樓土中三十里入鮚魚弦濟運 玉花泉  
距縣東南三十五里出魏莊土中一里入魏莊泉會  
河共七十里入劉昌莊 魏莊泉距縣東南三十五

里出魏莊村土中共七十里入劉昌莊 黃溝泉距

縣東南七十里出黃家莊土中八里入白山泉會河

共十八里入劉昌莊濟運 白山泉即柏山泉距縣

南七十里出白山坡土中二里入馬蹄泉會河共六

里入劉昌莊濟運 馬蹄泉距縣南七十里出白山

坡土中一里入白山泉會河共五里入劉昌莊濟運

已上諸泉又南入劉昌莊

三山泉距縣東南四十里出羊莊村土中一里會入

蕊珠泉共六十里入彭口濟運 蕊珠泉距縣東南四十里出羊莊村土中四十里入溫水泉會河共六十里入彭口濟運 大勝泉距縣東南四十里出羊莊村土中一里入三山泉會河共六十里入彭口濟運 雙勝泉距縣東南四十里出羊莊村土中一里入蕊珠泉會河共六十里入彭口濟運 溫水泉距縣南七十里出匡山下土中一里入西倉橋沙河共三十里入彭口濟運 龍灣泉又名泥溝泉距縣南

七十里出臨城社种家樓土中五里入中山店沙河  
共十二里入彭口濟運 黃家泉距縣東南七十里  
出黃山石縫中八里入洪家林會河共二十里入彭  
口濟運 已上諸泉入彭口

燦星泉距縣南九十里出張阿莊土中三里入運河  
三界灣泉距縣一百九十里出微山石縫中流一  
里入微山湖濟運

嶧縣舊叢云嶧古鄆國春秋時屬楚為蘭陵說文諸  
山絡繹相屬曰繹環嶧皆山故金於此置嶧州

明初改為縣東沂東南鄰邳西南  
徐西沛西北濱東北費屬兗州府 滄浪泉距縣西北

八里即滄浪淵出車稍山下長一百二十六步至許  
池泉一里會入許池石室泉東南流至泥溝西分兩  
道一西南五十五里至丁廟閘一東南五十里至大  
泛口入運 許池泉距縣西北十里嶺阜下突出五  
泉曰珍珠曰鍋曰篩曰金花曰灰唯灰泉稍濁餘皆  
清徹可鑒鬚眉南會滄浪石室二泉東南流至泥溝  
而伯王山泉自西北來會同出大泛口今建石壩於

泥溝遏之由馬蘭屯出針鈎口又於馬蘭屯築土壩遏水向西行以濟丁廟閘

石室泉距縣八里去許由泉三十里長半里流至泥溝西分兩道一至丁廟閘一至大泛口入運

許由泉距縣西北四十里以堯讓許由於沛澤得名出陳郝集沙中廢泉二舊西南會溫水泉流入滕縣百中河至留城自開新河入呂孟湖今開泇河後流至滕境西倉橋會彭口入運搬井泉距縣西北六

十里出車級村土中舊二十五里由滕縣西倉橋四十里入儼山河今開泇河後亦由彭口入運溫水泉距縣西北五十里出石溝營土中舊由西北五十里會搬井泉今開泇河後亦由彭口入運

牛山泉距縣西南三十里流至德勝閘入運巫山泉距縣東南四十五里南流侯遷閘入運侯孟泉距縣西南五十里東北流至張莊入運龍王泉出黃丘山東南遠西北流二十五里會許池泉今開泇

河後至萬年莊閘入運

蒙陰縣

舊叢云蒙陰古顓臾國以其在蒙山之陰漢於此置蒙陰縣東接沂水西接新泰南至費

北抵益都

官橋泉距縣北一百里出立山社沙中南屬青州府

流十五里入新泰縣汶河

卞橋泉去官橋十里出

土中西流至寨子村口入汶是為南汶海眼泉距

縣北一百十里斜山社水流百步入萊蕪縣汶河濟

運葛溝泉距縣北一百十五里清平社水流十步

入萊蕪縣汶河濟運從高峪鋪稍南入運伏牛峪

泉距縣西北十八里出方山社山如伏牛泉出其下  
南流百餘步入小汶又六十里入沂又百三十里入  
邳州漕河 泉河泉距縣西北二十里出泉河杜舊  
名合泉從地湧出十餘泓北流入小汶又五十里入  
沂 順德泉距縣東北七十里安平鄉南流入小汶  
以上俱山東全河備考

山東自兗達於濟南地勢最高諸山蜿蜒宛如人身  
之脊骨泰山峙於東宛如昂首諸泉渟發或自山趾

或自平地或自石罅初只七十二泉時堙時闢今增至二百四十要不過舉大凡耳數實加倍不止也土厚氣盛泉亦如之我明因元之舊溝通舟楫此乃天地大運所開夫豈偶然沂州有陂周圍百里每春雨魚鼈生焉至秋水一夕悉陷有聲聞數十里名為漏陂村人具車乘競拾魚鼈輦載而歸泗源即漏陂所溢也陂在泗水縣陪尾山之西界接沂州方陷時水俱涸其聲如雷故一名雷澤山之下有泉林寺

左右出泉夾寺環之一匝寺右為山之西面泗淵之  
泉出焉初出分為四故名常有澤中器物流出其狀  
為石洞洞門高二尺許其水瀆瀑沸騰匯為池折而  
西流趵突之泉出焉由洞門直瀉埒石竇而大又流  
而西玉波之泉出焉為渠悠然長邁其清見底水中  
小石平布日光射之如繪如織過寺之左泉出乎地  
或三或兩布如列星各為一溪更相灌注大木千章  
輪囷離奇凡三里抵卞橋古有卞縣姑蔑之水經於

其間上下數十里泉石最奇達於曲阜逕孔林北西

流至濟南府東分而西北與沂水合又西至泗水縣

城東復合其自曲阜分流經孔林復西南合於沂者

曰洙實一水會諸泉入漕者也

沂水之源有二一出  
曲阜尼山之麓在縣

東南六十里合於泗  
一出艾山合於汶

汶水一出新泰縣東四十里

者曰小汶河合南師諸泉西至泰安州一出萊蕪縣

之寨子村納海眼諸泉一出原山之陽納木河諸泉

並會於泰安州泰安之水出仙臺嶺至靜村鎮合萊

蕪之汶曰大汶西南流受泮水又西與新泰之小汶  
合是為入濟之汶達于寧陽東平逼於戴村壩南流  
至汶上縣城東北二十五里受灤當諸泉為魯溝又  
西南流城北二里受蒲泊為草橋河又十里為白馬  
河又二十里為鶴河又十五里為黑馬溝至南旺分  
注南北漕河其曰洸水乃汶之支流自寧陽而分會  
蛇眼諸泉又西南流至濟寧州 濟水在兗州府滋  
陽縣城東五里即泗水下流由曲阜分流入境達於

濟寧者蓋諸家之說如此然濟水伏流時出地上原無定體定形故汶泗皆有源有委而濟獨無可以概見乃萬兩溪謂泰山諸泉皆濟水所沸匯於汶則東省之水惟有一濟汶反為下流而據滋陽之說則濟又為汶之下流矣考濟水禹貢蕪流水東流為濟又東北會于汶又北東入于海今在汶上縣北一名大清河即汶水入濟之道水經濟水故瀆又北合洪水註云洪水上承鉅野又北經關鄉與濟合則前說為

是

湧幢小品

前明劉珝修大小清河碑記云濟青之區有河曰大濟曰小濟小濟之源出於歷城之趵突

泉中匯清潔孝婦諸水東北抵東安高家港達于海大濟則濟水渠也自東阿之張秋東北抵利津富國鹽場

達於海此言大小清河源流甚為簡明合之胡朏明閻百詩之言便可瞭然於心目間矣胡闇說見前又按

山東通志濟水在汶上縣北一名大清河禹貢濟水東出于陶丘北又東至于菏又東北會于汶又北東入于海酈道元謂濟水當王莽之世川瀆枯竭不與皆同宋蔡沈謂今厯下凡發地皆是流水世謂濟水經流其下然則今濟水伏流不見惟汶水由濟之故道入海其實發於岱陰諸山者皆濟水既伏而見也予以山東諸泉附於濟水之後者蓋據此云

張純廢泉論曰泉之資於漕大矣而亦有不必用者

如蒙沂之泉所以濟邳河然自塞孫家口黃河悉由  
徐呂至邳則邳無資於泉也是以弘治中巡撫徐公  
源議棄此泉并夫省之蒙沂之民至今利焉勝磧魚  
之泉所以出沙河而并及二洪然自鑿新河諸泉雖  
由呂孟等湖入運而湖波浩蕩自有餘濟則勝磧魚  
之泉有可也無可也停夫以寬民非與然河之遷徙  
靡常姑自我朝論之嘉靖十三年水行趙皮寨穀亭  
流斷二洪告涸向非天助其順自衝夏邑以出小浮

橋則人力如之何哉十九年決雞鳴岡由渴經毫以入淮二洪又涸向非王公以旂力開李景高口則二洪幾不濟矣然猶幸其可以智力成則人亦天也今所恃者天耳萬有不測甚而人力無所施則二洪涸安得不賴滕嶧魚之泉乎邳河澀又安得不賴蒙沂之泉乎是不可不預待也又胡瓊議廣泉源畧曰夫所貴乎泉者謂其濟運也若冬春枯澀夏秋暴長無為貴泉矣近據所聞新泰諸泉皆此類也訪得蒙陰

廢泉如官橋下莊二泉下流俱入汶河夫非漕渠涓滴之助愚以為勞力於無源之水莫若施功於有用之泉况其故道可尋因舊為易或者以為復泉仍須復夫查該縣原額泉夫百五十名自弘治十四年暫議停役今經百年所省當二萬計何莫非王土而困此兩郡民乎合無將前項廢泉亟為修濬量復人夫仍以附近新泰泉官督之便又張克文新泉序曰國家輓東南數百萬衆遙流達於京都南旺其襟喉而

泉源其血脉也舊泉凡二百二十有六分濟南北前人之計周矣文奉命兼理之明年壬申遍歷諸泉其曲徑危梁不能與者躡履從之務窮其源凡舊泉所出悉按圖治之矣顧圖所不載者厯州縣有之召父老問故曰泉豈有窮夫則有限如開一泉必增數夫故使者不及睹有司不以告余因進諸長吏而矢之必不以泉益夫以水困民也惟取盈於舊額蠲其遠役而調停焉如是而民心悅遂報新泉三十六處併

而入河計所助之利視昔亦加多或曰新泉中有甚  
微細者顧亦取而濬之而記之何抑不見閘乎水涸  
舟膠既障之板又從而固之加蓆草焉懼其涓滴不  
為用也夫已涓滴而塞其流不涓滴而導其源可乎  
矧今不紀後將何稽并叙其說如此厯觀前人之論  
泉之所係重矣而酌其緩急則分水天井魯橋之派  
尤屬漕河命脈每歲春夏宜嚴督官夫疏濬庶克有  
濟至于山泉沙磧頗多汎河每為淤墊須於大挑之

期一併挑濬使泉流無阻名曰理白河其各處泉源必於三四月查挑貴及時而用之也乃自泉夫裁而挑濬無人泉為之壅矣且蔭泉宜多植柳斯溝渠得以遮蔽盛夏烈日水不消耗尤需人培護之夫閘河千里所藉以利漕者惟此十七州縣之泉源屈曲灌注而後為我用苟以裁夫而致壅塞則病漕之害豈區區役食所能較其輕重耶是泉夫之宜復有不待再計而決者

山東全河備考

聖祖仁皇帝康熙二十三年十一月十六日

駕自費縣至泗水東境經泉林寺

駐蹕觀泉

御製泉林記曰朕被服至道誦法孔子於詩書簡冊之中美牆載見如聞其言論而接其聲容者匪伊朝夕矣嘗以不得一登闢里之堂觀其車服禮器山川風物慨然至聖之音徽每低徊於中而不能自己迺者在廷之臣咸謂古者天子巡省方岳觀察民俗朕俞其請因念

岱宗在望于邁魯郊夙昔所懷今茲可慰歲之冬月輿  
衛北還抵於泗水東境距其縣治五十里陪尾山之陽  
衆泉出焉石竇嶠崿清流蕩潏下合沂泗遠波悠然相  
傳為子在川上處云旁有古寺厥名泉林坡陁幽曠樹  
木茂密雖古今異時陵谷不改去聖人之居如此其近  
意者當日杖履所經周覽原泉默契道體喟然發水哉  
之歎者其即斯地耶於是停驂弭節瞻眺久之恍乎如  
有所得殆移晷而後去也夫天地無終窮流水之出於

天地者亦無終窮聖人之道川流敦化萬古不息與天  
地流水同其無終窮焉其何能已於予懷耶孔子繫易  
其言天也曰行健言地也曰無疆孟子之言水也曰盈  
科而後進君子之於聖人之道也溯源窮流學水至海  
亦若是焉而已矣朕既幸宮牆親覲至止非遙而又喜  
泉源勝地聖跡所存而得游厯其處也遂為之記

辛魯盛典

行水金鑑卷八十五

欽定四庫全書

行水金鑑卷八十六

江南按察使傅澤洪撰

運河水

冀州 夾右碣石入于河

禹貢

堯所都也碣石海畔山夾此山之右而入河逆上此

州帝都不說境界以餘州所至則可知

孔氏傳都平陽今山

西平陽府臨汾縣西南平陽故城是也傳云禹夾行此山之右而入河蓋非是此言貢道非言導水也以

故自正義而下凡言治水皆從下為始者皆不之錄

河自碣石山南渤海之北入海夾挾也自海入河逆流而西右顧碣石如在挾挾也

蘇軾尚書解

冀州東充南豫西雍三面臨河夾右者海墻在其左也

薛季宣書古文訓

冀州無貢貢者諸侯貢天子也唯諸侯有貢故獨載島夷貢道島夷自外至也

黃度尚書說

他州皆舉山川以為界獨冀不言者帝都不必言觀

餘州所至可知亦以見王者無外之意也夾右碣石入于河帝都通漕運之道也九州必有漕運之道以一人統天下之大絲牽繩聯凡所貢賦不可無道以達於帝都也

時瀾增修東萊書說

此記島夷入貢之道耳餘不必專自碣石入河也觀西傾因桓是來可見不獨西傾雍之浮積石亦然記遠不記近此經文之妙

傳寅禹貢集解

冀北去帝都遠者自海逆流而西右顧碣石如在挾

挾九州貢道皆達河達河則達冀州矣

胡士行尚書詳解

冀州之域三面距河自積石東北流入於中國則折而南流雍州在其西故曰西河至華陰則折而東流豫州在其南故曰南河至于大伾則又折西北流兗州在其東故曰東河以三州考之則冀州在東河之西南河之北西河之東王制曰自東河至于西河千里而近自恒山至于南河千里而近此則冀州之境界也此篇雖不言冀州之境界而冀州境界亦可以

互見餘州之間

林之奇尚書全解

或問河入海之道曰新安王氏辨之詳矣王氏曰禹貢言夾右碣石入于河此禹河之舊也周定王五年河徙已非禹之故道漢元光三年河徙東郡更逕渤海繼決于瓠子又決于魏之館陶遂分為屯氏河大河在西屯河在東二河相竝而行元帝永光中又決于清河靈鳴犢口則河水分流于博州屯河始壅塞不通後二年又決于平原則東入齊入青以達于海

而下流與漯為一王莽時河遂行漯河夫河不行于大伾之北而道于相魏之南則山澤在河之濱者支川與河相貫者悉皆易位而于禹貢不合故欲辨冀州山川不可不先講求河之故道也

陳大猷書傳或問

冀州為中土古軒轅陶唐有虞夏后殷人所都及實

沈臺駘孤竹之封皆在焉春秋時可考者晉

古實沈之虛唐

人是因以服事夏商及周成王滅之以封弟叔虞為唐侯至于襄改名曰晉

魏霍冀黎

書西

伯戡黎即此今為黎城縣楊郇或作荀賈沈姒蓐黃帝封臺駘於汾

川沈姒蓐黃實

守其祀

潞赤狄邯鄲衛

始封在朝歌

邢共凡原雍邪虞檀溫

中山鼓肥鮮虞冀北燕韓無終山戎凡三十五國戰國時屬燕趙魏而秦衛亦兼得其地秦并天下置三十六郡此為鉅鹿邯鄲上谷漁陽右北平遼西河東

上黨太原代郡鴈門雲中三川

是北境

漢武置十三州

此為冀州

領郡

國九

幽州

領郡

國十

并州

領郡

國十一

後漢魏晉並因

之

晉冀州領郡

國十二

并州

國十三

南北朝

土地分裂增置漸多不

可勝紀唐承隋制州即是郡貞觀初因山川形便分

天下為十道開元中又析為十五道此為河北道之

汲郡

衛州

鄴郡

相廣平

洺州

鉅鹿

邢州

信都

冀州

趙郡

趙州

常山

鎮博陵

定州

河間

瀛州

文安

莫州

饒陽

深州

上谷

易州

范陽

幽州

順

義

順州

歸化

分州

歸德

燕州

媯川

媯州

漁陽

薊州

密雲

檀州

北平

平柳城

營州

等郡

河東道

之河東

蒲州

絳郡

絳州

陝郡

陝北州

平陽

晉州

高平

澤州

上黨

潞州

樂平

儀州

陽城

沁州

大寧

隰州

文城

慈州

西河

汾州

太原

并州

昌化

石州

鴈門

代州

定襄

忻州

忻安邊

蔚州

馬邑

邑

朔州

雲中

雲州

等郡

又都畿

之河內郡

懷州

關內道

之單

于大都護府按以上通典所列信都當全屬充鄴郡

之內黃堯城臨河汲郡之黎陽東境當分屬充以今

輿地言之山西太原平陽汾州潞安大同五府澤遼

沁三州河南則懷慶衛輝彰德三府唯衛輝之胙城縣舊在大河之

南當  
屬充

直隸則順天永平保定廣平順德五府及真定

河間二府之西北境

當以漢時漳水故道為界水西屬冀水東屬充

大名府

濬縣之西境

以宿胥故瀆為界西屬冀東屬充

又新置宣化府

舊為全

都司  
及故遼東都司之西境

以大遼水為界西屬充東屬青

其北則踰

塞直抵陰山下西起東受降城之北東訖于大遼水  
皆古冀州域也 冀西距河河自今塞外東受降城  
南而東至山西大同府廢東勝州界折而南經平虜  
衛及太原府之河曲保德興縣汾州府之臨縣永寧  
寧鄉石樓平陽府之永和大寧吉州鄉寧河津榮河  
臨晉蒲州是為西河與雍分界 冀南亦距河河自  
蒲州過雷首山折而東經芮城平陸垣曲及河南懷  
慶府之濟源孟縣溫縣武陟衛輝府之獲嘉新鄉汲

縣是為南河與豫分界  
冀東亦以河與兗分界自周定王五年河徙之後禹河故道堙廢而冀兗之界難分今按漢志魏郡鄴縣下云故大河在東句北入海故大河者即王橫所云禹之行河水本隨西山下

東北去者也河自汲縣南東北流至黎陽縣西南出

大伾上陽三山之間

大伾山一名黎陽山今在滑縣東南二里即賈讓所謂東山也

杜人山一名善化山在縣西北二十五里俗名上陽三山即賈讓所謂西山也蘇代謂之宿胥之口酈道元謂之宿胥故瀆李垂謂之西河故瀆

濬縣舊志云在縣西十里蓋禹迹也

河徙由縣東故稱此為西河

自此而北歷湯陰安陽鄆縣斥丘

東接內黃魏縣至列人斥

漳之境左會衡漳經所謂北過洚水也

應劭曰斥漳縣漳水出治

北入河杜佑曰漳水橫流至肥鄉縣界入河斥漳今曲周縣地肥鄉漢列人縣地蓋漳水由二縣境注於

河河自此東北入海及定王時南徙則衡漳東出循

河故道而下至東光縣西與大河合王莽時河益徙

而南漳水遂專達于海故斥漳以下水經通謂之漳

水東北歷平恩曲周鉅鹿經縣南宮堂陽扶柳信都

昌成西梁桃縣鄆縣下博樂鄉武強武隧武邑東昌

弓高阜城樂成建成成平浮陽至章武平舒入海蓋

皆禹河之故道也而說經者皆以王莽河為禹河謬

矣大河故清一名北瀆王莽時穿俗遂稱王莽河

以今輿地言之濬縣屬直隸大名府

湯陰安陽臨漳並屬河南彰德府

成安肥鄉曲周並屬直隸廣平府

平鄉廣宗鉅鹿並屬順德府

南宮新河冀州並屬真定府

鹿邑深州衡水武邑武強並屬真定府

阜城獻縣交河

滄州青縣靜海天津並屬河間府

皆禹時冀東瀕河之地

中流與兗分界王制謂之東河北播為九河其經流爾雅謂之徒駭又同為逆河東至碣石入海後世謂之勃海者也冀東北與青分界處于古傳記無可考今按碣石以西之渤海即禹時逆河也自天津衛直沽口與兗分界又北歷寶坻縣東南折而東歷豐潤灤州樂亭盧龍昌黎縣南昌黎漢索縣碣石在其地渤海之北岸皆冀域也自此以東則為大海東歷撫寧縣東南又東歷山海關南又東歷遼東寧遠廣

寧等衛南是為漢遼西郡地又折而南歷海州衛西

南衛在故遼東都司

城南一百二十里

曰梁房口關大遼水于此入海

關在蓋州衛西北九十里海運舟由此入遼河

水經注云大遼水出塞外衛

白平山

亦言出

東南入塞直遼東之望平縣西屈而

西南流逕襄平縣故城西

襄平漢遼東郡治明為遼東都司郭下定遼中蒲地

又南逕遼陽縣故城西又南小遼水注之

水出元菟高句麗縣

之遼

又東南逕房縣西左會白狼水

水出右北平白狼縣

又東

逕安市縣西南入于海

漢志望平縣遼水出塞外南至安市入海行千二百五十

里明一統志遼河自三萬衛西北入塞南流逕鐵嶺瀋陽都司之西境廣寧之東境又南至海州衛西南

入海望平襄平遼隊房縣安市皆漢遼東郡之屬縣而

遼水逕其西是知遼西為冀域遼東為青域而碣石

以東梁房以西之海則二州共之矣冀之北界亦

無可考約畧言之當得陰山侯應曰北邊塞至遼東

外有陰山東西千餘里是也昔戰國時趙北破林胡

樓煩築長城自代並陰山下至高闕為塞師古曰高闕山名在

朔方之北而置雲中鴈門代郡燕亦築長城自造陽至襄

平師古曰造陽地名在上谷界

置上谷漁陽右北平遼西遼東郡

以距胡燕趙所築長城自雲中以迄遼西延袤可三千里疑即堯時冀州之北界但今之長城未必皆古跡其詳不可得聞耳北之西頭當起東受降城

唐虞龍二

年張仁愿築置振武軍元和志云在朔州北三百五十里本漢定襄郡之城樂縣也武德四年於此置雲

州慶德三年置單于大督護府

即舜所分并州之西界東頭當抵醫

巫閭山即舜所分幽州之東界山在故遼東都司廣

寧衛西五里

衛東去都司城四百二十里

職方氏幽州山鎮曰醫

巫閭是也明一統志云舜分冀州東北為幽州即今

廣寧以西之地分青東北為營州即今廣寧以東之

地秦以幽州為遼西郡營州為遼東郡蓋仍燕之舊

以大遼水為限也漢志右北平驪成縣下云大揭

石山在縣西南莽曰揭石遼西郡糸縣下云有揭石

水南入官

謂下  
官水

不言有山也及文穎注武紀曰碣石

在遼西糸縣糸縣今罷入臨渝此石著海旁

師古曰碣  
碣然特立

之穎字叔良南陽人為荊州從事

見于寶  
搜神記

即王粲贈詩

送聘劉璋者也謂此山臨渝海旁之孤石與班固異  
自頴始水經有魏晉間人所附益故亦云碣石在臨  
渝後漢志無驪成劉昭補注遂於臨渝言碣石晉省  
臨渝入肥如故後魏志碣石在肥如隋省肥如入新  
昌尋又改新昌曰盧龍故隋志碣石在盧龍自後漢  
迄隋言此山之所在曰絫縣曰臨渝曰肥如曰盧龍  
縣名四變而山則一要皆在今昌黎縣東絫縣故城  
之南也至括地志始云碣石在盧龍縣南二十三里

與文穎異唐志及寰宇記則云石城縣有碣石而歐陽志輿地廣記曰石城故驪成也易祓據之以釋禹貢按石城有四一在今大寧廢衛界漢舊縣屬右壯

平縣去龍城可百里

一在今永平府西北後魏置屬建德郡

城一百四十里者是通典平州西北到石

此二縣皆不瀕海一在今灤州

南唐置屬平州

縣北去灤州三十里

一即今撫寧縣唐臨渝改

曰石城亦屬平州

有臨渝關大海碣石山

此二縣皆瀕海志所

稱石城故驪成者今之撫寧乎抑灤州之南境乎撫

寧本漢臨渝

今縣北有  
臨渝故城

為遼西郡之東偏勢不得越

令支

今遷安

黎

今昌黎

肥如

今盧龍

海陽

今灤州

而屬右北

平也驪成必不在此地嘗試按圖而索之今灤州所

領樂亭縣

縣在州東南唐初為石城縣地後為盧龍縣地又為馬城縣地金大定末析置樂亭縣

有古城在西南三十里似即漢驪成治志所稱石

城蓋指此地非臨渝更名之石城今為撫寧者也然

樂亭縣境平行無山即以州南瀕海之地為驪成地

而亦無山唯縣西南四十里有祥雲李家桑坨三島

迫近海濱豈即所謂大碣石與通典平州盧龍縣下  
云有碣石山碣然而立在海旁故名之仍用文頴說  
金元以來人皆知昌黎為繁縣而碣石在焉求之海  
旁不得求之水中又不得乃更求之向北之地故明  
一統志云碣石在昌黎縣北二十里或又以仙人臺  
上之巨石為天橋柱蓋皆依文頴言之然其山去海  
八九十里殊違夾右入河之義不可從也 欲辨碣  
石之所在莫若以今所謂灤河者證之灤河即濡水

也漢志遼西肥如縣濡水南入海陽師古曰濡音乃  
官反讀若難後訛為瀠以聲相近也遼因置瀠州世  
遂目其水曰瀠河不復知為古之濡水矣今碣石雖  
無其迹而瀠河仍自遷安盧龍瀠州至樂亭東南入  
海與酈注濡水入海之道無異則碣石舊在瀠口之  
東可知矣贊水界耳之谿淪于海中者當亦在樂亭  
縣西南也山有名同而繫之以大小者如大別小  
別太華少華太室少室之類是也古書太少與大  
小通用驪成

之山稱大碣石則必有小碣石在蓋即糸縣海旁之石矣酈道元既宗文穎以為碣石在糸縣又引驪成大碣石以證之若以其山為跨二縣之境也者今按濡水從塞外來東南逕令支故城東又南逕孤竹城西又東南逕牧城西分為二水北水枝出世謂之小濡水東逕樂安亭北東南入海濡水東南流逕樂安亭南東與新河故瀆合新河即魏武征蹋頓時所開也又東南至糸縣碣石山而南入于海樂安亭者蓋即今樂亭縣東

北之樂安故城也

東晉於此置樂安縣

樂安縣在其南驪成在其

西據濡水歷亭南而東又東南至碣石則碣石在亭之

東南與驪成西南之大碣石相去閼絕安得連為一

山郭璞注山海經曰碣石在臨渝或云在驪成蓋兩

存之愚謂在臨渝者為是或云漢志其可違乎曰班

氏所言間有紕繆西縣之嶓冢氏道之養水武都之

東漢水其尤甚者也他如安豐之大別安陸之陪尾

尋陽之九江居延之流沙後人皆以為非而不從豈

獨一驪成之碣石哉嶓冢漢水承誤數百年至魏收而始正世皆遵用其說文穎以建安時正班固之碣

石猶王橫之以新莽時正史遷之禹河也不遠而理

無可疑橫說長于遷固即採之

地理志云故大河在鄴東叙傳云商竭周

移皆橫說也

穎說長于固今奚不可用耶

山海經曰碣

石之山繩水出焉西流注于河此驪成之大碣石也

何以知之糸縣之碣石在濡水之東繩水苟出其山勢不得越濡水而西注于河也又有二碣石史記索

隱引太康地志云樂浪遂成縣有碣石長城所起通  
典云秦築長城起自碣石在今高麗舊界非盧龍之  
碣石北齊文宣帝紀天保四年大破契丹于青山還  
至營州登碣石山臨滄海唐志營州柳城縣北接契  
丹有東北鎮醫巫閭祠又東有碣石山此即文宣之  
所登與前在遂城者皆非禹貢之碣石也劉昭注補  
郡國志言常山九門縣有碣石山按孔疏引鄭說云  
戰國策碣石山在九門縣蓋別為碣石不與此同今

驗九門無此山也

今真定府藁城縣西北二十五里有九門城故縣也四面五百餘里

皆平地無一山

至若燕昭王所築之碣石宮以事驄衍者史

記正義云在幽州薊縣西三十里寧臺之東旁近無

此山特取為宮名耳凡言九門薊縣有碣石山者皆

妄也 史記秦始皇三十二年至碣石使燕人盧生

求羨門高誓刻碣石門

日知錄云始皇刻石之處凡六史記書之甚明於鄒嶧泰

山之巒琅邪會稽無不先立後言刻者惟於碣石則云刻碣石門門自是石不須立也

二世元

年東行郡縣到碣石漢書武帝元封元年東巡海上

至碣石此海濱之山斗入海者

封禪書成山斗入海索隱曰謂斗絕曲入

海也故成帝時賈讓言禹之治水鑿龍門闢伊闕析底

柱破碣石凡山陵當路者毀之蓋伊闕類龍門夾峙

兩岸水出其間者也碣石類底柱橫絕中流當河之  
衝者也析之破之不容已矣但此石猶著海旁不知

何年芑淪于海水經曰碣石山在遼西臨渝縣南水

中酈注云大禹鑿其石右夾而納河說本賈讓鑿即破也

秦始皇漢武帝皆嘗登之海水西侵歲月逾甚而芑其山

故言水中矣又云漢司空掾王璜

漢書儒林傳琅邪王璜平仲傳古文

尚書溝洫志作王橫

言往昔天嘗連北風海水溢西南出侵數

百里故張君云碣石在海中蓋淪于海水也

後漢志注禹貢

正義並引張氏地理記張氏不知其名豈即此所稱  
張君耶程大昌以為張捐按隋經籍志有魏博士張  
捐撰廣雅二卷而無張氏  
地理記未審張君是捐否

昔燕齊遼曠分置營州今

城屆海濱海水北侵城垂淪者半王璜之言信而有  
徵碣石入海非無證矣又云濡水自樂安亭南與新  
河故瀆合又東南至繁縣碣石山文穎曰碣石在遼

西秦縣秦縣并屬臨渝地理志曰大碣石山在右北平驪成縣西南王莽改曰碣石也漢武帝亦嘗登之以望巨海而勒其石於此今枕海有石如角道數十里當山頂有大石如柱形往往見之立于巨海之中潮水大至此句下似有闕文及潮波退不動不沒不知深淺世名之天橋柱也今遼東廣寧前屯衛西南七十里有孤山屹立海中高百餘丈周圍三十餘步天橋柱即此類狀若人造要亦非人力所就韋昭亦指此為碣石濡水於此南入海又接管子齊桓公征孤

竹至卑耳之谿涉贊水今亦不知所在昔在漢世海水波襄吞食地廣當同碣石芭渝洪波也酈氏三言碣石淪于海有其故有其時有其證有其狀鑿鑿可據如此而世或詆為妄談以自伸其無稽之說不亦僥乎曹孟德詩曰東臨碣石以觀滄海水何澹澹山島竦峙建安十二年征烏桓過此而作

濡水注云魏太祖征蹋頓

與泃口俱導者世謂新河新河會濡水東南至碣石山而南入海則曹公征烏桓時道經碣石可知

魏文成帝太安四年東巡登碣石山望滄海改山名

樂遊蓋此山雖淪于海而去北岸不遠猶可揚帆覽勝車駕東巡大軍出塞者率皆登山觀海以修故事道元家酈亭距臨渝纔五六百里所謂碣石芭渝洪波者乃以目驗知之而引王璜以為證豈若程泰之生於南宋目不覩溟渤而徒憑古人之一言以恣其臆斷者哉世因程氏之妄而并疑酈氏之真亦惑矣所可恨者此山不知至何時復遭蕩滅今昌黎縣南海中無一山自撫寧以東更二三百里海中亦無一

山此酈氏之說所以不信于今也按道元卒于魏孝  
昌二年歲在丙午下距齊文宣登碣石之歲天保四  
年癸酉凡二十八年而文宣所登乃在營州前此營  
州未聞有碣石疑是時平州之碣石已亡故假營州  
臨海之一山為碣石而登之以修故事不然豈有舍  
此登彼之理自是以後登碣石者無聞焉隋煬帝大  
業八年親征高麗三月渡遼水七月班師九月至東  
都而不聞登碣石唐太宗貞觀十九年親征高麗大

破之九月班師十月丙午次營州而不登碣石蓋以

其山非真而高洋之故事不足修耳丙辰入臨渝關

戊午次漢武臺刻石紀功

水經注云魏氏土地記章武縣東一百里有武帝臺

基高六十丈俗云漢武帝東巡海上所築因學紀聞曰九域志滄州有漢武臺唐太宗紀貞觀十九年伐

高麗班師次漢武臺刻石紀功臺餘基三成燕齊之士為漢武求仙處今名望海臺在滄州東北一百五  
十

里而不刻碣石則其時無此山可知矣妄意推測碣

石之亡當在魏齊之世丙午至癸酉二十八年間也

宋儒不加考覈而沿襲舊聞謂在平州南海中去岸

五百餘里

宋時平灤二州陷于契丹唯據滄州地望言之故云然非謂去北岸五百餘里也

豈知曩立于巨海之中者後併化為波濤也哉近世

有郭造卿著碣石叢談以昌黎縣北十里仙人臺當

之曰臺即碣石之頂也絕壁萬仞上凌霄漢其臺崇

廣頂有巨石為天橋柱人莫能至夫天橋柱者酈氏

明言在海中其又可移之平陸邪劙去遠矣而鏘舟

以求之非大愚不至此也言有似是而非者為害

最甚如經云太行恒山至于碣石說者謂碣石與二

山並舉則必高大相敵故以昌黎縣北之山為碣石

昌黎本漢系縣後漢省入臨渝晉以後為肥如縣地隋唐為盧龍縣地後倚置營州柳城縣遼改縣曰廣寧金又改

曰昌黎而其實不然經云底柱析城至于王屋今

底柱見在其能與析城王屋爭雄乎觀底柱則碣石可知矣不信海中之碣石而以昌黎縣北之山為碣石則亦將不信河中之底柱而以陽城縣南之山為

底柱

陽城縣在山西澤州西八十里近志縣南有底柱山而傳記無之與昌黎縣北之碣石正是一

類然底柱無異論而碣石多枝辭何也一在一亡故

也善言禹貢者當憑古記以推尋不可以亡為疑  
信海中之碣石水經注具有明文若昌黎縣北離海  
數十里之碣石孰言之而孰傳之邪蘇秦說燕曰南  
有碣石國人必皆識其處秦之滅燕未久也始皇豈  
誤刻漢之去秦亦未久也武帝豈誤遊曹孟德魏文  
成相望在數百年間也豈皆誤登道元北人家又近  
碣石其本朝故事亦必熟諳豈誤認海中一山為先  
帝之所幸而改名如其誤也必別有一處為秦漢諸

君之古跡號曰碣石者而它書絕無聞焉舍道元之所說將安據乎世之言禹貢者抱攣拘之識廢昭曠之觀謂碣石無亡理而必求見在之山以實之斥古記為荒唐奉近志為典要吾末如之何也已矣 周希聖謂天子之都必求其舟楫之所可知使夫諸侯之朝貢商賈之貿易雖其地甚遠而其輸甚易此說得之冀州三面距河是其設都之意實有取于轉輸之利朝貢之便也禹貢所載上言田賦貢篚之事而

于下言所由以達帝都之道其始末曲折莫不具備而皆以河為主蓋達于河則達于帝都故也傳以為禹治一州之水既畢遂還帝都自所治非也禹欲白所治不必身入帝都即使身入帝都亦何難于陸行而必循各州紓廻之水道以廢時失事哉鄭康成謂治水既畢更復行之觀地肥瘠定貢賦上下如此則不當叙于田賦貢篚之後王肅謂功主于治水故詳記各州往還乘涉之水名今按所載皆達河之道非

有往還乘涉之事諸說皆不可通至周氏之言出而  
其義始定此實後人勝前人處謂今必不古若者曲  
士之見也

禹貢錐指

行水金鑑卷八十六

欽定四庫全書

行水金鑑卷八十七

江南按察使傅澤洪撰

運河水

濟河惟兗州

浮于濟漯達于河

禹貢

東南據濟西北距河濟漯兩水名因水入水曰達

孔氏

傳

濟河惟兗州以濟水河水之間為兗州也

鄭樵辨訛書

浮水運也兗州朝貢之道或浮于濟或浮于漯以入于河而達冀州不言冀州舉河而冀州可知矣

書古文訓

舟行水曰浮漂者河之支流也兗之貢浮濟浮漯以

達于河

蔡沈書傳

濟自菏又東北會于汶又北東入于海此兗之東南與豫徐青分界處河自大伾北過洚水至于大陸又北播為九河同為逆河入于海此兗之西北與冀分界處兗州有古帝顓頊之虛

杜預曰東郡濮陽縣古帝顓頊之虛故曰

帝

南觀有窮昆吾韋固之封皆在焉春秋時可考者

衛

文公遷于楚丘成公又遷于帝丘

郕

南燕姞姓

凡

四國戰國時為

衛

魏宋齊趙五國地秦并天下置東郡

碭

郡境是齊

鉅鹿

上谷二郡東境是

漢復置兗州

領郡八國

後漢魏

晉

並因之唐為河南道之靈昌

滑州

濮陽

濮州濟陽

濟陽

濟東

平

鄆州

等郡

河北道之清河

貝州

魏郡

魏州

博平

博州

平原

德

樂安

棣景城滄

等郡

按以上通典所列有當往屬者

東平

之須昌鉅野宿城及壽張之東境

此為東原大野之地

須昌

宿城壽張三縣故城並在今東平州界鉅野故城在今鉅野縣西

魯郡之任城冀丘

任城今為濟寧州及嘉祥縣之東境  
冀丘今為寧陽縣並在古濟水東

改屬徐濟陰之

南華

在菏澤西今為東明縣

靈昌之匡城

在南華西今為長垣縣

改屬豫

濟陽之長清

今屬濟南府

及東阿之東境

今東阿縣是

平陰之

北境改屬青其南境改屬徐也

平陰側岱跨南北故分屬青徐

又有

當來屬者冀域信都郡及鄆郡之內

黃堯城臨河

堯城二縣故城並在今內黃縣界臨河故城在今滑縣北

汲郡之黎陽東境其豫

域則濟陰之乘氏也

乘氏在菏澤東今為曹州

以今輿地言之河

南衛輝府之胙城縣

胙城本在河南自金明昌五年河徙出縣南而縣始為河北地

直隸大名府

唯濬縣之西境當屬冀長垣東明二縣當屬豫

及真定河間二

府之東南境

當以漢時漳水故道為界東南屬兗西北屬冀

山東則東昌府

其兗州府則曹州陽穀壽張鄆城濟南青州二府則

西北境

當以漢時濟水故道為界西北屬兗東南屬豫徐青

皆古兗州域也

東南據濟與豫分界當自兗州府之曹州始何以知

之按導水濟入河溢為榮東出于陶丘北又東至于

菏菏澤在今定陶縣境經繫諸豫雷夏在今曹州境

經繫諸充故知二澤之間為充豫之界也濟水至曹州西分為二一水東南流為菏水一水東北流入鉅野澤為濟瀆春秋僖公三十一年取濟西田左傳云分曹地自洮以南東傳于濟酈道元云濟水自是東北流出巨澤即此地也濟水又北過東昌府之濮州范縣東與徐分界又北為陽穀茌平東與青分界轉東為濟南府之齊河濟陽齊東青城又東為青州府之高苑博興樂安

樂安縣東北一百十里有琅槐故城漢屬千乘郡古濟水入海處也

南與青分界今歷城以東有小清河即濟水入海之故道其北為兗南為青也 西北距河與冀分界河自今河南衛輝府胙城縣北東至直隸大名府濬縣大伾山西折而北經河南彰德府界中又東北經直隸廣平順德真定河間四府界中東入于海此禹河之故道曲周以下即漢時漳水之所行也 九河濟漯入海竝在兗東徒駭最北八枝次之漯在鬲津之南濟又在漯之南其所入皆渤海也自天津衛直沽

口與冀分界南歷靜海縣東又南歷滄州東又南歷

霑化利津蒲臺縣東折而東歷樂安縣北以小清河

入海處與青分界 漢志東郡東武陽縣下云禹治

漯水東北至千乘入海

東武陽即今朝城縣應劭曰  
在武水之陽酈道元曰漯水

亦或武水也其故城在今縣西千乘縣為千乘郡治  
後漢始改郡為樂安國疏引班志不當加樂安二字

又平原郡高唐縣下云桑欽言漯水所出今按禹引

河自大伾山西折而北循大陸東畔入海而漯首受

河自黎陽宿胥口始不起東武陽也水經注所叙河

水自宿胥口又東右逕滑臺城

故白馬縣治在今滑縣西南

又東

北逕黎陽縣南

黎陽故城在今濬縣東北

又東北逕涼城縣

在今滑縣

又東

東又東北逕伍子胥廟南

廟在晉頓丘郡界今清豐縣之西境是

又東

北為長壽津河之故瀆出焉

津在涼城廢縣東北六十里

河水又

東逕鐵丘南

元和志鐵丘在滑州衛南縣東南十里

衛南本漢濮陽縣地丘今在開州之西

南又東北逕濮陽縣北

開州西南二十里有濮陽故城

又東北逕衛

國縣南

縣故畔觀也其故城在今觀城縣西清豐之南境開州之北境皆得其地

又東逕

鄆城縣北

今濮州東二十里有鄆城唐濮州治也

又東北逕范縣之

秦亭西

春秋書築臺於秦者也今范縣東南二十里有范縣故城

又東北逕委粟

津

寰宇記觀城縣東南六十里有委粟城蓋與津相近

皆古漯水也自周定

王五年河徙從宿胥口東行漯川至長壽津始與漯

別其津以西漯水之故道悉為河所占而上游較短

矣然河之故瀆不經東武陽亦不經高唐迨漢成帝

建始末河決館陶

屬魏郡

由東武陽絕漯水而東北至

高唐又絕漯水東北至千乘入海雖嘗塞治而故道

猶存王莽始建國三年復決于此莽為元城冢墓計

不隄塞明帝永平中王景修之遂為大河之經流自是委粟津以西漯水之故道又為河所占上游益短矣漯水一出于武陽再出于高唐據成帝後言之耳

水經注委粟津河北即東武陽也漯水出焉

河自此與漯別

東北逕東阿莊平等縣至千乘入海

水上承河水於武陽縣東南而北

逕武陽新城東引水自東門石竇北注于堂池水市

隍塹于城東北合為一瀆東北出郭逕陽平縣之岡

城西

陽平故城今為莘縣治岡城在縣西南七里通典莘縣漢陽平縣地有武陽城無此水矣元和

志武河在朝城縣東十步蓋即漯水也新志云故流今涇惟縣城西門外少南三里許有大坡廣十餘里其勢突城而東與陽穀縣西大陂連夏秋稍潦并成巨浸相傳為古漯河匯流處

又北絕莘

道城之西北

今莘縣西十三里

又東北逕樂平縣故城

東

本漢清縣後漢改名樂平其故城在今堂邑縣東南三十里

又北逕聊城縣故城

城

城在今聊城縣西十五里

又東北逕清河縣故城北

城在今清平縣

南清平本漢貝丘縣

其西南有貝丘故城

又東北逕文鄉城東南

城亦在清平縣

南

又東北逕博平縣故城南

城在今博平縣西北三十里

右與黃

溝合

溝承聊城郭水東北出逕清河南又東北逕攝城北春秋所謂聊攝以東也又東逕文鄉城

又東北出於高

唐縣東至漯水

又東北逕援縣故城西

杜預釋地曰濟南祝阿縣

西北有援城今在禹

又逕高唐縣故城東

左傳哀公十年趙鞅

帥師伐齊取黎及轘

毀高唐之郭杜預曰轘即援也

祝阿縣西北有高唐城今在禹城縣西四十里禹城

本漢祝欽地理志曰漯水出高唐余按穆天子傳

稱丁卯天子自五鹿東征釣于漯水以祭淑人丁巳

天子東征食馬于漯水之上尋其沿歷逕趣不得近

出高唐桑氏所言蓋津流出次于所間去

聲也俗以是

水上承于河亦謂之源河矣

源河乃漯之再出者桑欽唯知此而不知起東

武陽則疎矣河既與漂合復分為二漂由漂陰故城北河由平原故城東蓋自高唐以東至海則漂在南而河在北矣

今禹城縣南有源陽故城唐縣在源河之北故名

漂水又東北逕漂陰縣故城北

伏琛謂之漂陽城地理風俗記曰平原漂

陰縣今巨漂亭是也按臨邑縣西有漂陰故城元和志漂水北去臨邑縣七里

又東北逕著

縣故城南

城在今濟陽縣西南著竹庶反

又東北逕崔氏城北

城在今章丘西北亦在章

又東北逕東朝陽故城南

城亦在章丘西北

又東逕漢

徵君伏生墓南

碑碣尚存

又東逕鄒平縣故城北

城在今鄒平縣

縣接界北與齊東又東北逕東鄒城北

今青城縣界有東鄒故縣

又東北

逕建信縣故城北

應劭曰在臨濟縣西北五  
十里今在高苑縣西北

又東北

逕千乘縣二城間

伏琛云千乘城在齊城西北一百五十里隔會水即漯之別名也元

和志千乘故城在淄州高苑縣北二十五里

又東北為馬常坎

蓋亦在千乘縣界玉

十里亂河枝流而入于海

河水注云河水自千乘北城北又東分為二水枝津

東逕甲下城南東南歷馬常坎

注濟濟水注云濟水自甲下邑南東歷琅琊故城北又東北河水枝津注

之蓋即漯之所亂者

此自西漢末以迄後魏漯川之原委也以

今輿地言之濬縣滑縣開州清豐

並屬直隸大名府

觀城濮

州范縣朝城莘縣堂邑聊城清平博平

並屬山東東昌府

禹

城臨邑濟陽章丘鄒平齊東青城

並屬濟南府

高苑

屬青州府

諸州縣界中皆古漯水之所經自宋世河決商胡朝

城流絕而舊迹之存者鮮矣

濟漯二水為東南四

州貢道之所必由非獨兗也青承兗曰達于濟則由

濟入漯可知矣徐承青曰達于菏則由菏入濟可知

矣揚承徐曰達于淮泗則由淮入泗由泗入菏可知

矣淮通泗泗通菏菏通濟濟通漯漯通河四州之貢

道無不由濟者而總與陶丘榮澤之間無涉此其所  
以不言逾也 禹時濟實通漯林少穎云案經文無  
濟漯相通之道非也但孔疏云從漯入濟自濟入河  
則必有舍舟行陸之事是為大謬耳周希聖更定其  
文曰由濟而入漯由漯而入河經旨灼然矣近惟朱  
長孺深知此意其所著禹貢長箋曰古時濟漯通流  
漢以後遂不相屬孔疏與經文所次水道不合當是  
從濟入漯從漯入河鄭端簡亦云舊作二道者非是

此適與周氏闇合也新唐書許敬宗傳云高宗東封泰山次濮陽間書稱浮于濟漯今濟與漯斷不相屬何故敬宗對曰沇濟自溫入河伏地南出為滎澤又伏而出曹濮之間汶水從入之故書又言浮汶達濟不言合漯者漯自東武陽至千乘入海也或據此以駿濟與漯通之說余曰濟漯本相附近迨西漢末河行濟漯之間高唐以西至東武陽二水為河所隔唐世猶然故高宗謂濟漯斷不相屬敬宗不知古今水

道之變遷而憑臆以對殊失經旨未可以證禹貢也  
然則濟與漯通當在何處曰是不可知按水經鄧里  
渠與將渠合北逕莊平縣東臨邑縣故城西北流入  
于河河水又東北逕四瀆津注云河水東分濟亦曰  
濟水受河也水經注濟或作沛又因沛而訛為沛今悉改從濟自河入濟自  
濟入淮自淮達江水徑周通故有四瀆之名蓋其時  
濟漯之間為河所隔故云河分濟又云濟受河在禹  
時則固漯分濟或濟受漯也漢臨邑縣在今莊平縣

東

通典漢臨邑故城在盧縣東按今長清縣西南二十

五里有盧縣故城西與茌平接界漢臨邑當在

此間

今臨邑本漢濼陰縣

劉宋僑置臨邑非漢縣也

四瀆津在臨邑故城東北

寰宇記四口故關在聊城

縣東八十里一名四瀆口當為古濟濼通波處此亦

不敢定以為是然濟與濼通必在會汶之後又北將

東之際而臨邑適當其地東北接高唐故城為濼之所

經枝津徑通理無可疑黃文叔云或浮濟或浮

濼而皆達于河愚謂兗之北境可徑浮濼以達河而

其南境則必由濟入濼也準此以推則青之汶徐之

淮揚之江海荆之江沱潛漢雍之龍門雖並列于經  
而或由或不由各隨其便唯豫之洛梁之潛汎渭為  
道所必由耳

禹貢  
錐指

岱岱惟青州 浮于汶達于濟

禹貢

岱岱宗也青州貢道由汶入濟濟固達于河矣

書古文訓

岱宗即泰山也山東通志云泰山在泰安州北五  
里為東嶽岱宗其山周廻一百六十里屈曲盤道百  
餘徑南天門東西三天門至絕頂高四十餘里上有  
石表巍然俗云秦時無字碑有碧霞祠東岳廟封禪  
壇其峰曰日觀曰泰觀曰越觀曰丈人曰獨秀曰雞  
籠曰老鴉曰獅子曰蓮花曰懸石其崖曰百丈曰捨

身曰馬棚曰鵠鵠其峪曰石經曰石壁曰佛寺曰鬼兒曰椒子曰酆都曰桃花曰馬蹄曰谿里其嶺曰廻馬曰鷹飛曰黃峴曰思鄉曰青峯曰西橫其石曰牛心曰龍口曰試劍曰龍紋曰虎阜其洞曰迎陽曰呂公曰白雲曰遙觀曰蟠螭曰鬼仙曰山簾其池曰玉女曰王母曰白鶴曰白龍又岳頂有東西神霄山岳陰有孤山樞山鶴山相去俱十里雖山谷異名皆秦岳之峯巒也日觀者難一鳴時見日始欲出長三丈泰觀者望見長安越觀者望見會稽亭亭云梁父徂徐諸山俱在泰嶽東南

即所謂導沇水東流為濟東至于菏又東北會于汶是也謂此州將欲達于帝都當浮于汶以達于濟然後由濟以達于河也

尚書全解

汶水五源皆出襲慶奉符縣界至東平中都縣貫鉅澤入濟青州貢道由汶入濟由濟入河不言河充已見也

尚書說

地理志云汶水出泰山萊蕪縣原山西南入濟易氏云唐兗州乾封縣本漢泰山郡博縣後改為襲慶府奉符縣汶水出縣東北原山蓋博與萊蕪皆在兗州之西南故汶水所出之原山介兩邑間又有北汶羸汶柴汶牟汶述征記云泰山郡水皆名汶今縣界有

五汶皆源別而流同其原山之汶水西南流經乾封  
縣治南去縣三里又西南流九十里入鄆州中都縣  
孔子為中都宰之地自濟之上流既絕故汶水入大  
野陂而不入濟尚書纂傳 原山在今萊蕪縣東五十  
里連淄川縣界今名岳陽山淄水  
出其陰汶水出  
其陽見一統志

孔疏曰堯時青州越海而有遼東舜分青州為營州  
即遼東也漢公孫度據遼東自號青州刺史矣書纂言  
按成王賜太公履曰東至于海季札聞齊音曰表東

海者其太公乎齊湣王謂張儀曰齊僻陋隱居東海之上是東據海也而傳兼言北楚子謂齊侯曰君處北海蘇秦說齊王曰北有渤海蓋自今成山以至樂安者是也故云東北據海然自朝鮮以至日照皆青也所遺多矣專言東則固可該琅邪與朝鮮也地理志岱山在泰山郡博縣西北今山東濟南府泰安州東南有博縣故城山在州北五里於故城為西北也公羊傳曰越在岱陰齊蘇秦說齊王曰南有泰山史

記曰泰山之陽則魯其陰則齊岱主南言與徐分界也而傳兼言西則岱不足以表其界蓋青西以濟為兗界齊語正封疆西至于濟其明徵也北自琅槐以西亦以濟為兗界故王莽改漢齊郡曰濟南而經不言濟者蒙兗濟河之文從可知也傳兼言西則欲密而反疏甚矣說經之難也 周禮正東曰青州其疆域與禹貢大異鄭注云青州則徐州地也蓋以其山鎮曰沂山其川淮泗其浸沂沐知之經曰海岱及淮

惟徐州又曰淮沂其义又曰浮于淮泗是知徐并于青也賈疏云周之青州於禹貢侵豫州之地蓋以其澤藪曰望諸知之望諸即孟豬經于豫州曰導菏澤被孟豬是知侵豫之地也疏又云周時幽州南侵徐州之地蓋以其澤藪曰貉養知之地理志琅邪長廣縣西有奚養澤琅邪郡屬徐州是知侵徐之地也謂按長廣故城在今登州府萊陽縣東漢屬徐州寶古青州域幽之所侵乃青地非徐地也不但此也其川

河沛其浸舊時皆青地為幽所侵而賈不言何其疎也蓋今青登萊三府之地在青域者周時皆割入幽其西又為兗所侵而損豫之東南境以益之徐則岱山大野皆入于兗是青亦不全得齊也鄭云青州即徐州亦言其大畧而已青州有古爽鳩氏之虛為季崩有逢伯陵蒲姑氏之所因及斟灌斟尋寒過之封皆在焉春秋時可考者齊紀譚州夷介萊凡七國戰國時為齊燕二國地秦并天下置齊郡琅邪東境是

遼東漢復置青州

領郡國六

後漢魏並因之

領郡國五

晉分置

平州

青州領郡國六平州領郡國五

後改曰幽州唐為河南道之北

海青濟南

齊淄川

淄川

高密

密東萊

萊東牟

登等郡河

北道之安東都護府按以上通典所列高密之莒縣

及諸城之南境當往屬徐又有當來屬者兗域濟陽

之盧縣及東阿之東境

後漢殺城縣地在濟東者即今東阿縣

平陰之

北境徐域魯郡乾封萊蕪之北境是也以今輿地言

之山東登州萊州二府其青州府則益都臨淄昌樂

安丘壽光臨朐及諸城高苑博興樂安之南境濟南府則肥城長清歷城章丘鄒平長山新城淄川及泰安萊蕪之北境兗州府則唯東阿及平陰之北境三府之地南以齊長城故址與徐分界而及北以漢時濟水故道與兗分界

其東北跨海為

故遼東都司之東境及朝鮮國皆古青州域也青之東境登萊二府之地斗入大海中東西長八九百里形如吐舌史記徐世家云齊自泰山屬之琅邪北被于海膏壤二千里蓋并登萊計之也海水自日照

縣東與徐分界

日照本漢海曲縣屬琅琊郡今屬青州府莒州

北歷諸城縣

東北出而西折歷寧海州及福山蓬萊二縣北

蓬萊登州

府治海在府城北五里北與遼東相望自新開海口而東北抵遼東金州衛南之旅順口三百里而近有沙門砣磯鐵山諸島可以泊舟避風一帆徑度亦不甚險漢書元封二年遣樓船將軍楊僕從齊浮勃海南擊朝鮮元和志大人故城在登州黃縣北二十里司馬宣王伐遼東造此城運糧船從此入今新羅百濟往還常于此又西歷招遠

登州

掖縣昌邑濰縣俱萊州府

北與

充分界青西及北以濟為界鄭漁仲云不言濟者

以兗州見之也按水經注濟水自臨邑過平陰盧縣歷城至縣梁鄒臨濟安平樂安利縣至琅槐入海以今輿地言之平陰長清齊河歷城界中之大清河及章丘鄒平常山新城高苑博興樂安界中之小清河即漢時濟水會汶入海之故道古青兗分界處也

青之東北界無可考疏云越海而有遼東之地恐未盡通典云青州之界東跨海從岱山東歷密州東北經海曲萊州越海分遼東樂浪三韓之地西抵遼水

此說近是然三韓地太遠而玄菟不可遺竊疑漢武所開二郡皆古嵎夷之地在青州之域者而三韓不與焉蓋嵎夷羲和之所宅朝鮮箕子之所封不應在化外先儒但云有遼東非也漢書言東夷天性柔順異于三方之外故孔子悼道不行設浮于海欲居九夷後漢書言東夷率皆土著喜飲酒歌舞或冠弁衣錦器用俎豆所謂中國失禮求之四夷者也觀其土俗則青之東北界不止于遼東明矣史記秦始皇

本紀云地東至海暨朝鮮北據河為塞並陰山至遼  
東朝鮮列傳云自始全燕時略屬真番朝鮮為置吏  
築鄣塞秦滅燕屬遼東外徼燕秦之所經畧蓋禹貢  
嵎夷之地唐一行所謂北戒山河抵恒山之右乃東  
循塞垣至瀘貊朝鮮以限戎狄者是也星傳謂北戒  
為胡門 明遼東都指揮使司兼轄漢遼東西二郡  
之地都司城西四百二十里為廣寧衛本遼東無慮  
縣也衛西幽州域衛東營州域都司城東至鴨綠江

五百六十里與高麗分水太康地志云樂浪遂城縣  
有碣石長城所起通典云在今高麗舊界蓋即蒙恬  
所築起臨洮至遼東者也東漢以來故址湮沒都司  
城北至三萬衛三百三十里古肅慎氏地衛西有開  
元城金置會寧府號為上京禹貢青州之北界當極  
于此衛東北距長白山千餘里其水北流為混同江  
南流為鴨綠江唐書東夷傳云高麗馬訾水出靺鞨  
之白山色若鴨頭即此江也都司城南至旅順海口

七百三十里去登州不遠順風揚帆信宿可達明初  
遼東士子附山東鄉試後以渡海之艱改附順天猶  
周之并營于幽也 按此經蒙充之文曰達于濟則  
由潔以入河可知矣其東北境徑浮濟不必從汶也

水經注汶水出泰山萊蕪縣原山

萊蕪縣在齊城西南原山又在

縣西南六十許里從征記曰汶水出縣西南流自入  
萊蕪谷夾路連山數百里水隍多行石澗中按原山  
在今萊蕪縣東北七十里東接益都西接章丘北接  
淄川縣界高聳出群山之上亦名馬耳山魏叔志  
贊縣有馬耳山汶水出是馬耳即原山矣今又名岳  
陽山

西南逕嬴縣故城南

城在

今萊蕪又東南逕奉高縣北

今泰安州東有奉高廢縣

屈從縣西南

流與一水合俗謂之牟汶

水出牟縣故城西南牟下俗謂之胡盧堆西南逕奉

高縣故城而西南流注於汶

今萊蕪縣東有牟縣故城牟汶水在縣南門外西流至泰安州東入汶

南右合北汶

水出分水谿東南流逕泰山東合天門

令奉高作明堂引水為辟雍世謂之石汶又左入于汶水今泰安州南有泮水出泰山分水嶺考其源流蓋即北汶也

又西南逕徂徠山西

山在州東南四十里

又南逕博縣

故城東

城在州東南漢置唐改曰乾封

又西南逕龍鄉故城南又西

南逕亭亭山

山在州南三十里

又南左會淄水世謂之柴汶

水出泰山梁父縣東西南流逕莞襄城北又逕梁父

故城南又西南逕柴縣故城北又逕成邑北春秋齊

師圍成成人伐齊飲馬于斯水者也淄水又西逕陽

關城南西流注于汶水今按州南有廢柴縣梁父故

城西南有陽關城柴汶水在

州東三十五里俗名司馬河又南逕鉅平縣故城東

城在州西南又西南逕魯國汶陽縣北又西逕汶陽縣故

城北城在今寧陽縣東北又西汎水出焉

呂忱曰汎水出東平上承汶水於岡縣西

閘亭東爾雅汎別為閘其猶洛之有波矣汎水西南

流逕乘丘縣故城東又東南注于汶水按乘丘故城

在今滋陽又西逕蛇丘縣南今肥城縣南有蛇丘故

縣西北城本魯蛇淵周漢置縣

又西南逕閩縣北今寧陽縣境

又西南逕東平章

縣南

今東平州東有章縣故城

又西南逕桃鄉縣故城西

城在今汶上縣

東北四十里

又西南逕壽張縣北

今州西南十里安山鎮即故安民亭

壽張本壽良後漢先武更名

又西南

至安民亭入于濟

今州西南十里安亭

汶水自桃鄉四

分當其派別之處謂之四汶口

即今戴村壩地

其左二水雙

流西南至無鹽縣之郈鄉城南又西南逕東平陸故

城北又西逕危山南

世謂之龍山

又西合為一水西南入

茂都澗

即今南旺湖

次一汶西逕郈亭北又西至壽張故

城東遂為澤渚其右一汶西流逕無鹽縣故城

城在今東

平州

又西逕洽鄉城南又西南逕壽張縣故城北

城在

州西

又西入于濟以今輿地言之汶水自萊蕪歷泰

安肥城寧陽至東平以濟合流以至于海此禹迹也

迨元人引汶絕濟為會通河明永樂中又築戴村灞

遏汶水盡出南旺以資運而安山入濟之故道填淤

久矣元和志乾封縣界有五汶源別而流同五汶

者曰北汶羸汶柴汶牟汶其一則經流也

四汶口乃下流岐分

處不在五汶之數按酈注無羸汶羸汶在今萊蕪縣南三十

里源出宮山之陰流合牟汶宮山者新甫之別名也  
山在新泰縣西北泮水源出泰山分水嶺即北汶州  
志謂之塹汶在今泰安州南五汶之外有小汶在州  
東南七十里源出宮山流逕徂徠山南又西入汶水  
所謂大汶口也嬴汶流合牟汶故酈注不言五汶以  
小易嬴斯為當矣又有水出萊蕪縣寨子村流合牟  
汶者近志指為浯汶據漢志琅邪靈門縣有高原山  
浯水所出東北入濰說文云水出靈門山世謂之浯

汶涪水合東汶入離故有此名

在今莒州界與萊蕪無涉志妄言

耳東汶出朱虛縣小泰山北流至淳于縣入濰在今

臨朐安丘界淮南子曰汶出弗其西流入濟高誘云

弗其山名在朱虛縣東是即入濰之東汶言入濟者

淮南之誤也 曾彥和曰汶水有二出萊蕪縣原山

入濟者徐州之汶也出朱虛縣泰山入濰者青州之

汶也渭按原山北接淄川延袤跨青徐之境汶雖徐

水其導源處猶為青域故青之貢道書浮于汶云

禹貢

指錐



行水金鑑卷八十七